

Na osnovu člana 10. tačka c) i člana 72. Zakona o Sudskoj policiji u Federaciji Bosne i Hercegovine ("Službene novine Federacije BiH", broj 77/20), na prijedlog direktora Sudske policije u Federaciji Bosne i Hercegovine, predsjednik Vrhovnog suda Federacije Bosne i Hercegovine donosi

PRAVILNIK

O KRITERIJIMA I NAČINU UTVRĐIVANJA POSEBNE ZDRAVSTVENE SPOSOBNOSTI U SUDSKOJ POLICIJI U FEDERACIJI BOSNE I HERCEGOVINE

I - OPĆE ODREDBE

Član 1.

(Predmet Pravilnika)

Ovim Pravilnikom propisuju se kriteriji i način utvrđivanja posebne zdravstvene sposobnosti u Sudskoj policiji u Federaciji Bosne i Hercegovine (u daljem tekstu: Sudska policija), koju moraju ispunjavati službenici Sudske policije u Sudskoj policiji u Federaciji Bosne i Hercegovine (u daljem tekstu: službenici Sudske policije) i kandidati za prijem u Sudsku policiju iz člana 92. stav (2) Zakona o Sudskoj policiji u Federaciji Bosne i Hercegovine (u daljem tekstu: kandidati), kao i druga pitanja koja se odnose na zdravstveni i psihofizički pregled.

II - VRSTE ZDRAVSTVENIH PREGLEDA

Član 2.

(Vrste zdravstvenih pregleda)

- (1) Zdravstveni pregledi su:
 - a) Provjera posebnih zdravstvenih sposobnosti koja se obavlja za kandidate;
 - b) Sistematski kontrolni zdravstveni pregled koji se obavlja za službenike Sudske policije raspoređene u Jedinici za specijalističku podršku - svake dvije godine;
 - c) Sistematski kontrolni zdravstveni pregled koji se obavlja za sve službenike Sudske policije izuzev službenika Sudske policije iz tačke b) ovog člana - svake četiri godine i
 - d) Vanredni kontrolni zdravstveni pregled koji se obavlja za službenika Sudske policije na obrazloženi prijedlog ljekara primarne zdravstvene zaštite ili nadređenog rukovodioca.
- (2) Prijedlog iz stava (1) tačka d) ovog člana se putem rukovodioca osnovne organizacione jedinice dostavlja direktoru Sudske policije radi donošenja odluke o upućivanju službenika Sudske policije na vanredni kontrolni zdravstveni pregled.

III - UTVRĐIVANJE POSEBNE ZDRAVSTVENE SPOSOBNOSTI

Član 3.

(Ustanova koja vrši provjeru i utvrđivanje zdravstvene sposobnosti)

- (1) Zdravstvene preglede iz člana 2. stav (1) ovog Pravilnika vrši zdravstvena ustanova koja ispunjava kriterije propisane ovim Pravilnikom i sa kojom Sudska policija zaključuje sporazum ili ugovor o pružanju usluga zdravstvenog pregleda.
- (2) Zdravstvena ustanova iz stava (1) ovog člana mora ispunjavati sljedeće uslove:
 - a) da je registrovana kao zdravstvena ustanova sa primarnim i sekundarnim nivoom zdravstvene zaštite i da ima iskustvo u postupku utvrđivanja opće i/ili posebne zdravstvene sposobnosti policijskih službenika u Bosni i Hercegovini.

Član 4.

(Vrste i kriteriji posebne zdravstvene sposobnosti)

- (1) Kriteriji za ocjenu posebne zdravstvene sposobnosti za osobe iz člana 1. ovog Pravilnika, te popis bolesti i zdravstvenih stanja koja čine prepreku za obavljanje poslova službenika Sudske policije utvrđeni su u *Prilogu 1*, koji je sastavni dio ovog Pravilnika, te se za svaku pregledanu osobu evidentiraju na zdravstvenom kartonu - *Prilog 2*, koji je sastavni dio ovog Pravilnika.
- (2) Posebna zdravstvena sposobnost službenika Sudske policije na sistematskom kontrolnom zdravstvenom pregledu i vanrednom kontrolnom zdravstvenom pregledu, utvrđuje se u skladu sa kriterijima iz stava (1) ovog člana, prilagođenim opisu poslova radnog mjesta, na koje je raspoređen službenik Sudske policije.
- (3) Provjera posebnih zdravstvenih sposobnosti iz člana 2. stav (1) tačka a) ovog Pravilnika utvrđuje se kriterijima iz stava (1) ovog člana.

Član 5.

(Zdravstveni pregledi i dokumentacija)

- (1) Posebna zdravstvena sposobnost osoba iz člana 1. ovog Pravilnika, utvrđuje se na osnovu nalaza, pregleda i mišljenja:
 - a) specijaliste medicine rada/medicine rada i sporta;
 - b) laboratorijskog nalaza (uključujući testiranje na droge u organizmu), rendgenskog nalaza (srce, pluća) po indikaciji, nalaz EKG-a, nalaz ergometrije/ergospirometrije po indikaciji i nalaz spirometrije;
 - c) specijaliste oftamologa i otorinolaringologa;
 - d) stomatologa;
 - e) psihologa;
 - f) ginekologa;
 - g) potvrde i/ili ovjerenog izvoda iz ličnog zdravstvenog kartona, posebno s podacima o hroničnim i psihičkim bolestima i stanjima, koju izdaje izabrani ljekar primarne zdravstvene zaštite, po mjestu prebivališta/boravišta;
 - h) medicinske dokumentacije o dosadašnjem liječenju i
 - i) izvještaj o prethodnom zdravstvenom pregledu.
- (2) Izgled Obrasca potvrde izabranog ljekara iz stava (1) tačka g) ovog člana, propisan je u *Prilogu 3*, koji je sastavni dio ovog Pravilnika.
- (3) Osim nalaza, pregleda i mišljenja iz stava (1) ovog člana, ovisno o indikacijama, Komisija iz člana 7. ovog Pravilnika, kao i Drugostepena komisija može odrediti obavljanje dodatnih pretraga i pregleda u ovlaštenoj zdravstvenoj ustanovi ili na način da pregledana osoba bude upućena svom izabranom ljekaru primarne zdravstvene zaštite, a najčešće radi: psihijatrijskog, psihološkog, internističkog, fizijatrijskog, ginekološkog, oftamološkog, neurološkog pregleda, te pregleda ortopeda i hirurga, odnosno obavljanja RTG pretrage, pretrage holterom EKG ili pritiska, ultrazvučne pretrage određenih organa, EEG pretrage, uzimanja urina ili izuzimanja vlasi i vještačenja istih radi utvrđivanja prisutnosti droge u organizmu.

Član 6.

(Vanredni kontrolni zdravstveni pregled)

Vanredni kontrolni zdravstveni pregled službenika Sudske policije vrši se u slučaju:

- a) privremene spriječenosti za rad uzrokovane duševnim poremećajem;
- b) povrede ili oboljenja koja mogu dovesti do funkcionalnog oštećenja;
- c) sumnje na zloupotrebu i neopravdanu privremenu spriječenost za rad zbog bolesti ili povrede;

- d) zahtjeva službenika Sudske policije ili prijedloga izabranog ljekara primarne zdravstvene zaštite;
- e) radi rasporeda službenika Sudske policije u Jedinicu za specijalističku podršku ili
- f) na osnovu drugih uočenih indikacija.

Član 7.

(Komisija za utvrđivanje posebne zdravstvene sposobnosti)

- (1) Komisiju za utvrđivanje posebne zdravstvene sposobnosti (u daljem tekstu: Komisija) formira ovlaštena zdravstvena ustanova iz člana 3. stav (1) ovog Pravilnika.
- (2) Komisija se sastoji od tri člana od kojih je jedan predsjednik Komisije i tehničkog sekretara.
- (3) Predsjednik i dva člana Komisije imenuju se iz reda: specijalista medicine rada/medicine rada i sporta, specijalista psihijatar ili neuropsihijatar, odnosno neurolog i psiholog.
- (4) Tehnički sekretar Komisije imenuje se iz reda zaposlenika zdravstvene ustanove iz člana 3. stav (1) ovog Pravilnika.
- (5) Predsjednik, članovi i tehnički sekretar Komisije mogu imati svoje zamjenike.

Član 8.

(Rad Komisije)

- (1) Radom Komisije rukovodi predsjednik, a u slučaju spriječenosti mijenja ga zamjenik predsjednika.
- (2) Komisija može valjano odlučivati ukoliko su sjednici prisutni svi članovi Komisije.
- (3) Odluke se donose većinom glasova prisutnih članova Komisije.
- (4) Član Komisije može izdvojiti mišljenje, ali je dužan pisano ga obrazložiti.

Član 9.

(Osnove za ocjenu posebne zdravstvene sposobnosti)

- (1) Komisija daje ocjenu o posebnoj zdravstvenoj sposobnosti osoba iz člana 1. ovog Pravilnika na osnovu medicinske dokumentacije i obrade koja je obavljena u ovlaštenoj zdravstvenoj ustanovi, a prema potrebi i na osnovu neposrednog pregleda.
- (2) Pri davanju ocjene o posebnoj zdravstvenoj sposobnosti pregledane osobe, Komisija može konsultovati i/ili zatražiti vještačenje drugih ljekara određenih specijalnosti i psihologa.

Član 10.

(Ocjena posebne zdravstvene sposobnosti službenika Sudske policije)

- (1) Posebnu zdravstvenu sposobnost službenika Sudske policije iz člana 2. stav (1) tačka b), c) i d) ovog Pravilnika Komisija ocjenjuje jednom od ocjena:
 - a) sposoban obavljati poslove službenika Sudske policije iz kategorije B i/ili C Priloga 1 ovog Pravilnika;
 - b) potreban ponovni pregled po završetku liječenja i
 - c) potrebno provođenje postupka za ocjenu radne sposobnosti službenika Sudske policije.
- (2) Ocjena se sačinjava na obrascu *Prilog 4*, koji je sastavni dio ovog Pravilnika.

Član 11.

(Ocjena posebne zdravstvene sposobnosti kandidata)

- Posebnu zdravstvenu sposobnost kandidata za prijem u Sudsku policiju, Komisija ocjenjuje jednom od ocjena:
- a) sposoban za obavljanje poslova službenika Sudske policije;
 - b) nesposoban za obavljanje poslova službenika Sudske policije.

Član 12.

(Ocjena nesposobnosti kandidata)

- Komisija će ocijeniti nesposobnim kandidata za prijem u Sudsku policiju kod kojeg, u skladu sa kriterijima iz Priloga 1 ovog

Pravilnika, utvrdi bolest, stanje, povredu ili njihovu posljedicu, odnosno tjelesnu manu koja je prepreka za uspješno obavljanje poslova službenika Sudske policije ili kada postoji kombinacija više kontraindikacija koje same po sebi nisu prepreka za rad na poslovima službenika Sudske policije, ali ukupno predstavljaju prepreku za obavljanje poslova službenika Sudske policije.

III - ŽALBA

Član 13.

(Žalba na ocjenu o posebnoj zdravstvenoj sposobnosti)

- (1) Ocjenu o posebnoj zdravstvenoj sposobnosti Komisija iz člana 7. ovog Pravilnika dostavlja direktoru Sudske policije i pregledanoj osobi iz člana 1. ovog Pravilnika.
- (2) Direktor Sudske policije i pregledana osoba iz člana 1. ovog Pravilnika imaju pravo žalbe na ocjenu o posebnoj zdravstvenoj sposobnosti.
- (3) Žalba na ocjenu o posebnoj zdravstvenoj sposobnosti podnosi se Drugostepenoj komisiji u roku od tri dana od dana prijema ocjene.
- (4) Drugostepena komisija će odbaciti neblagovremenu ili žalbu izjavljenu od neovlaštene osobe.
- (5) Drugostepena komisija je dužna o žalbi odlučiti u roku od sedam dana od dana dostavljanja žalbe.
- (6) Ukoliko Drugostepena komisija utvrdi da je žalba neosnovana donijeti će odluku kojom žalbu odbija kao neosnovanu.
- (7) Ukoliko Drugostepena komisija utvrdi da je žalba osnovana donijet će ocjenu o posebnoj zdravstvenoj sposobnosti iz člana 10., odnosno člana 11. ovog Pravilnika u skladu sa Prilogom 5 ovog Pravilnika.
- (8) Odluka Drugostepene komisije iz st. (4) i (6) ovog člana, odnosno ocjena iz stava (7) ovog člana je konačna.
- (9) Prilikom razmatranja žalbe Drugostepena komisija cijeni osnovanost žalbe na osnovu spisa predmeta Komisije iz člana 7. ovog Pravilnika u postupku ocjenjivanja posebne zdravstvene sposobnosti iz člana 10. i 11. ovog Pravilnika.
- (10) Drugostepena komisija neće cijeniti nove nalaze i mišljenja eventualno dostavljene u prilogu žalbe pregledane osobe.
- (11) Na formiranje, sastav i rad Drugostepene komisije shodno se primjenjuju odredbe člana 7. i 8. ovog Pravilnika.
- (12) Odluku iz stava (4) i (6) ovog člana, odnosno ocjenu iz stava (7) ovog člana Drugostepena komisija dostavlja direktoru Sudske policije, pregledanoj osobi iz člana 1. ovog Pravilnika i Komisiji iz člana 7. ovog Pravilnika.

V - POKRETANJE POSTUPKA UTVRĐIVANJA RADNE SPOSOBNOSTI

Član 14.

(Pokretanje postupka utvrđivanja radne sposobnosti)

U slučaju iz člana 10. stav (1) tačka c) ovog Pravilnika, Komisija iz člana 7. ovog Pravilnika ili Drugostepena komisija će uz ocjenu dostaviti nalaz i mišljenje Sudskoj policiji, koja će pokrenuti postupak za utvrđivanje radne sposobnosti službenika Sudske policije kod nadležnog organa u skladu sa posebnim propisom.

VI - EVIDENCIJE

Član 15.

(Evidencije)

- (1) Zdravstvena ustanova iz člana 3. stav (1) ovog Pravilnika koja obavlja zdravstvene preglede za utvrđivanje posebne zdravstvene sposobnosti osoba dužna je voditi posebnu evidenciju i čuvati medicinsku dokumentaciju svih pregledanih osoba iz člana 1. ovog Pravilnika.
- (2) Sudska policija vodit će posebnu evidenciju o provedenim redovnim i vanrednim kontrolnim zdravstvenim pregledima.

- (3) Svaka ocjena o posebnoj zdravstvenoj sposobnosti se ulaže u personalni dosije službenika Sudske policije.

VII - TROŠKOVI

Član 16. (Troškovi)

- (1) Troškove utvrđivanja posebne zdravstvene sposobnosti službenika Sudske policije iz člana 2. stav (1) tačka b), c) i d) ovog Pravilnika snosi Sudska policija.
- (2) Troškove utvrđivanja posebne zdravstvene sposobnosti kandidata iz člana 2. stav (1) tačka a) ovog Pravilnika snosi kandidat.

VIII - STUPANJE NA SNAGU

Član 17.

(Stupanje na snagu)

Ovaj Pravilnik stupa na snagu osmog dana od dana objave u "Službenim novinama Federacije BiH".

Broj Su-Sp-59/22
07. juna 2022. godine
Sarajevo

Predsjednica
Vrhovnog suda FBiH
Vesna Stanković-Čosović, s. r.

PRILOG 1

KRITERIJI POSEBNE ZDRAVSTVENE SPOSOBNOSTI

LEGENDA:

A = kandidat iz člana 92. stav (2) Zakona o Sudskoj policiji u Federaciji Bosne i Hercegovine, odnosno iz člana 2. stav (1) tačka a) ovog Pravilnika;

B = službenik Sudske policije raspoređen u Jedinici za specijalističku podršku u Sudskoj policiji u Federaciji Bosne i Hercegovine;

C = službenik Sudske policije raspoređen na poslove službenika Sudske policije izuzev poslova službenika Sudske policije iz člana 2. stav (1) tačke b) ovog Pravilnika

oznaka: + = sposobnost obavljanja propisane kategorije poslova službenika Sudske policije ili sposobnost obavljanja propisane kategorije poslova službenika Sudske policije uprkos medicinskoj indikaciji;

oznaka: - = kontraindikacija za obavljanje propisane kategorije poslova službenika Sudske policije;

oznaka: * = ovisno o poslovima;

oznaka: x = obvezna psihološka obrada i primjena psiholoških instrumenata ovisno o radnom mjestu

Vrste pregleda i kriterij	Provjera posebnih zdravstvenih sposobnosti za kandidate	Redovan sistematski kontrolni zdravstveni pregled ili vanredni kontrolni zdravstveni pregled		
		A	B	C
I Zarazne i parazitske bolesti				
2. TBC:				
a) aktivna lokalizacija ili inaktivna s trajnim posljedicama	-	-	-	
b) izliječena, bez trajnih posljedica (fibroza)	-	*	*	
3. Virusni hepatitis:				
a) aktivni i preboljeli B i C s trajnim posljedicama	-	-	-	
b) preboljeli (osim A) bez trajnih posljedica	-	*	*	
4. Bolesti uzrokovane infekcijom HIV-om				
	-	-	-	

5. Ostale bolesti izazvane bakterijama, virusima, gljivicama, protozoima, parazitima i drugim uzročnicima iz grupe zaraznih i parazit. bolesti, koje oštećuju funkciju; kliconoštvo	-	-	-
II Novotvorine			
6. Zloćudne novotvorine	-	-	-
7. Dobraćudne novotvorine:			
a) koje svojom veličinom i lokalizacijom ne oštećuju funkciju	-	*	*
b) koje svojom veličinom i lokalizacijom oštećuju funkciju	-	-	-
8. Ostale novotvorine koje svojom prognozom, veličinom i lokalizacijom oštećuju funkciju	-	-	-
III Bolesti krvi i krvotvornog sistema			
9. Kongenitalne i dugotrajne anemije i poremećaji koagulacije	-	-	*
10. Stanja nakon splenektomije	-	*	*
11. Ostale bolesti krvi i krvotvornog sistema, te poremećaji imunološkog sistema koje oštećuju funkciju	-	*	*
IV Endokrine bolesti, prehrane i metabolizma			
12. a) bolesti štitnjače koje zahtijevaju liječenje i ne ometaju funkciju	-	*	*
b) bolesti štitnjače koje zahtijevaju liječenje i ometaju funkciju	-	-	-
13. Šećerna bolest:			
a) Insulin ovisna; neregulirana, sa ili bez komplik.	-	-	-
b) blaga, regulirana, bez komplik. Insulin neovis.	-	+	+
c) blaga, bez potrebe liječenja, bez komplikacija	-	+	+
d) Insulin ovisna; regulirana, bez komplikacija	-	+	+
14. Ostale bolesti endokrinih žlijezda, prehrane i metabolizma koje oštećuju funkciju (disfunkcije hipofize, nadbubrežnih i spolnih žlijezda ...)	-	-	-
V Psihički poremećaji i poremećaji ponašanja			
15. Organski psihički poremećaji, alkoholizam i druge ovisnosti:			
a) organski i simptomatski psihički poremećaji (duži i recidivirajući)	-	-	-
b) alkoholizam i dr. ovisnosti	-	-	-
16. Psihoze (manifestne ili u remisiji)	-	-	-
17. Afektivni poremećaji:			
a) bipolarni, afektivni poremećaji i češće depresivne epizode	-	-	-
b) neurotski (anksiozni, fobični, disocijativni i dr.), vezani uz stres (PTSP i komplikacije), somatoformni poremećaji (somatizacije, konverzivni i dr.)	-	-	-
18. Poremećaj ličnosti (psihopatije i drugo), seksualne devijacije, «border line» struktura	-	-	-
19. Emocionalno nestabilna ličnost; poremećaji prilagodbe; učestala reaktivna stanja	-	-	-
20. a) pokušaj suicida	-	-	-
b) namjerno samopovređivanje ili trovanje	-	-	-
21. Ostale psihičke bolesti, mentalna stanja i poremećaji koji trajno oštećuju funkciju	-	-	-
VI Bolesti nervnog sistema			

22. Upalne, degenerativne, cerebrovaskularne, demijelinizirajuće, tumorozne i sisteme bolesti nervnog sistema	-	-	*
23. Piramidne, ekstrapiramidne bolesti, paralize i paralitički sindromi	-	-	*
24. Paroksizmalni poremećaji:			
a) epilepsija i značajni poremećaji spavanja	-	-	*
b) paroks. dizritm. ili fokalno promijenjen EEG	-	-	*
c) migrena (jače izražena, učestala)	-	+	+
25. Polineuropatije i bolesti perif. živč. sistema	-	-	-
26. Bolesti mioneuralne veze i mišića	-	-	-
27. Postkomocioni i postkontuzioni sindrom (posttraumatska encefalopatija i mijelopatija)	-	-	-
28. Ostale bolesti nervnog sistema koje oštećuju funkciju	-	-	-
VII Bolesti oka i adneksa			
29. Bolesti vjeđa, suznog aparata, spojnice, sklere, leće, rožnice i šarenice koje oštećuju funkciju	-	-	-
30. Bolesti žilnice i mrežnice koje oštećuju funkciju	-	-	-
31. Glaukom (kontroliran, reguliran)	-	*	*
32. Bolesti vidnog živca i putova	-	-	-
33. Poremećaj bulbotorike:			
a) uz očuvan prostorni vid i vidno polje	-	*	*
b) bez prostornog vida i uz oštećeno vidno polje	-	*	*
34. Ambliopia (ne prihvatljivo vid lošiji od 0,7) na svakom oku	-	*	*
35. Refrakcione anomalije:			
a) minimalno: prirodni vid: jedno oko 1, drugo 0,7; korigirano: jedno oko 1, drugo 0,9	+	+	+
b) minimalno: prirodni vid oba oka 0,7; korigirano: jedno oko 1, drugo 0,9	-	*	*
c) minimalno korigirani vid: jedno oko 1, drugo 0,7	-	*	*
36. Poremećaj u raspoznavanju boja:			
a) protanomalijska < 0,5 anomaloskopskih jedinica	-	*	*
b) deuteranomalijska > 5 anomaloskopskih jedinica	-	*	*
37. Ostale bolesti, stanja nakon ozljeda, operativnih zahvata i dr. anomalije koje uzrokuju funkcionalna i/ili estetska oštećenja	-	*	*
VIII Bolesti uha i mastoida			
38. Hronične upalne bolesti uha i mastoida, sa ili bez perforacije bubnjića	-	*	*
39. Hronične bolesti unutarnjeg uha; afekcija labirinta	-	*	*
40. Skotomi u sluhu jednog ili oba uha i ostale zamjedbene provodne naglušnosti:			
a) < 50 dB	-	*	*
b) > 50 dB	-	*	*
41. Ostale bolesti, stanja nakon ozljeda, operativnih zahvata i dr. anomalije koji uzrokuju funkcionalna i/ili estetska oštećenja	-	-	*
IX Bolesti cirkulacijskog sistema			
42. Reumatska bolest:			
a) preboljela groznica (>10g, bez oštećenja srca)	-	+	+
b) hronična reumatska bolest srca	-	*	*

43. Hipertenzivna bolest			
a) blaga, oscilatorna, bez terapije	-	-	-
b) blaga, regulirana, bez posljedica	-	+	+
c) manifestna, sa ili bez posljedica, neregulirana	-	-	-
44. Hipotonija sa smetnjama	-	-	-
45. Bolesti srca:			
a) ishemična (aktualna ili preboljela) sa poremećajem funkcije	-	-	-
b) ishemična (preboljela) bez poremećaja funkcije	-	*	*
c) plućna bolest srca	-	-	-
d) perikarditis (hronični, konstriktivni)	-	-	-
e) bolesti valvularnog aparata i drugih struktura srca, organski srčani šum	-	-	-
46. Poremećaji ritma i smetnje provođenja koji mogu dovesti do poremećaja funkcije (sinkope)	-	-	-
47. Bolesti i anomalije krvnih žila:			
a) arterija, arteriola, kapilara sa porem. funkcije	-	-	-
b) cerebrovaskularne bolesti	-	-	-
c) vena: proširenje bez izraženih čvoriča	-	*	*
d) vena: izraziti varikoziteti sa znacima insuficij.	-	-	-
e) tromboflebitis, flebotromboza – recidivirajući	-	-	-
f) hemoroidalna bolest jačeg stupnja	-	-	-
48. Ostale bolesti, stanja i anomalije kardio-vaskularnog sistema koje oštećuju funkciju	-	-	-
X Bolesti dišnog sistema			
49. Hronične i alergijske upale gornjeg dišnog sistema	-	*	*
50. Ostale bolesti i stanja gornjeg dišnog sistema:			
a) polipoza nosa i veće devijacije septuma (s poremećajem funkcije)	-	*	*
b) hronične gnojne upale paranazalnih sinusa	-	*	*
c) laringo-faringealna suženja, bez obzira na etiologiju	-	*	*
d) hron. laringitisi (bez obzira na etiol), polipoze	-	*	*
51. Hronične i alergijske bolesti donjeg dišnog sistema:			
a) bronhitis hronični (s opstruktivnim smetnjama ventilacije blažeg stepena)	-	*	*
b) asthma, hron. opstruktivna bolest, emfizem	-	*	*
c) respiratorna insuficijencija bez obzira na etiologiju	-	*	*
52. Ostale bolesti, stanja iza operacija i anomalije koje oštećuju funkciju	-	-	-
XI Bolesti probavnog sistema			
A: Bolesti usne šupljine			
53. Dentofacijalne anomalije sa estetskim i/ili funkcionalnim oštećenjem (progenija, protruzija, otvoreni zagriz)	-	-	-
54. Hron. gingivitis i paradentozе težeg stepena	-	+	+
55. Defekti zubala:			
a) nedostatak 5 ili više zuba u nizu ili ukupno 10 zuba	-	+	+
b) nedostatak (nenadomješten) prednjih zuba (gornje ili donje čeljusti) sa estetskim defektom	-	+	+
c) sve parcijalne ili totalne proteze (mobilne)	-	+	+

56. Ostale bolesti, stanja i anomalije koje imaju funkcionalna ili estetska oštećenja	-	-	-
B: Bolesti sistema za varenje			
57. Bolesti jednjaka:			
a) varikoziteti	-	*	*
b) refluks ezofagitisa sa smetnjama	-	*	*
58. Peptička bolest želuca ili duodenuma	-	-	*
59. Stanja nakon operativnih zahvata: resekcije želuca ili dr. anastomoza	-	-	-
60. Bolesti crijeva:			
a) upalne bolesti tankog i debelog crijeva; ulcerozni kolitis, M. Crohn	-	-	*
b) iritabilno crijevo	-	-	+
c) divertikuloza	-	-	+
d) fisure i fistule anusa i rektuma, prolaps	-	-	*
61. a) Sve vrste unutarnjih hernija	-	*	*
b) Sve vrste vanjskih hernija	-	*	*
62. Bolesti jetre, žuči i gušterače:			
a) hron. hepatitis bilo koje etiologije i ciroza	-	-	*
b) ciste i hron. upale jetre i gušterače	-	-	*
c) kalkuloza i opstrukcija žuči i vodova	-	-	*
d) stanje iza kolecistektomije bez funkc. poslj.	-	-	*
63. Malapsorpcioni sindrom	-	-	-
64. Ostale bolesti, stanja i anomalije sistemaza varenje koje oštećuju funkciju	-	-	-
XII Bolesti kože i potkožnog tkiva			
65. hronične upalne, alergijske i gnojne bolesti kože, ekcemi, pilonidalna cista	-	-	*
66. Izražena diseboreja (osobito lica – kozmetički)	-	-	*
67. Psorijaza i lupus eritematosus:			
a) lakši oblik, minimalne promjene, bez komplik.	-	-	*
b) teži oblik, generalizirana, s komplik. – sistemni	-	-	-
68. Sklerodermija, ihtioza	-	-	-
69. Bolesti, stanja i anomalije koji su uočljivi:			
a) veće pigmentacije, depigmentacije i ožiljci na vidljivim mjestima	-	*	*
b) bolesti i stanja adneksa koji uzrokuju estetsko ili funkcionalno oštećenje	-	-	-
70. Ostale bolesti, stanja i anomalije koje oštećuju funkciju	-	-	-
XIII Bolesti mišićno-koštanog sistema i veziva			
71. Urođeni ili stečeni nedostaci ili deformiteti mišićno-koštanog sist. i veziva koji ošteć. funkc.:			
a) skolioze (prihvatljivo: lakše; neprihvatljivo < 25 stepeni)	-	*	*
b) kifoze i lordoze (neprihvatljivo: kifoza <45 stepeni; lordoza < 60 stepeni)	-	*	*
c) kontrakture zglobova koje oštećuju funkciju	-	-	-
d) deformiteti koji oštećuju funkciju: prsti, šake, stopala (ped. plani, transversoplani IV st.; rigidno stopalo; halux valgus), udovi, prsni koš, zdjelica	-	-	-
e) nedostatak prstiju, šake, stopala, udova koji oštećuje funkciju	-	-	-
f) skraćanje noge < 2 cm	-	-	-
72. Hronične upalne bolesti mišićno-koštanog sistema (RA, psorijaza, giht, spondyl .ankylos. osteomyelitis ...)	-	-	*

73. Artroze i pseudoartroze koje oštećuju funkc.	-	-	-
74. Dorzopatije koje oštećuju funkciju:			
a) osteohondroza kičme; spondilopatije; bolesti IV diska, teža radikulopatija	-	-	*
b) spondilolisteza i dr. instabiliteti kičme	-	-	*
c) prijelazni LS kralješak s mikrodiskom i artikulacijom s poprečnim nastavkom	-	-	*
75. Bolesti i stanja koljena koji oštećuju funkciju:			
a) ozljeda ili op. odstranjen meniskus koljena	-	*	*
b) ruptura ligamena koljena; labavo, nestabilno koljeno	-	-	*
76. Osteopatije i hondropatije koje ošteć. funkc.	-	-	-
77. Ostale bolesti, stanja i anomalije mišićno-koštanog sistema i veziva koje oštećuju funkciju	-	-	-
XIV Bolesti genito-urinarnog sistema			
A: Bolesti urinarnog sistema			
78. Sve prirodene i stečene anomalije bez poremećaja funkcije	-	-	*
79. Sve hron. upale genito-urinarnog sistema	-	-	*
80. Sva oštećenja funkcije bubrega, bez obzira na etiologiju	-	-	*
81. Kalkuloza urinarnog sistema	-	-	*
B. Bolesti genitalnog sistema			
82. Sve hron. upale genitalnih organa (oba spola)	-	-	*
83. Endometrioza; menometroragije	-	-	*
84. Hronične upalne bolesti dojki, mastopatije sa smetnjama	-	-	*
85. Ostale bolesti, stanja i anomalije genito-urinarnog sistema koje oštećuju funkciju	-	-	-
XV Ostale bolesti i stanja			
86. Sve prirodene malformacije, deformiteti te kromosomske, genske i poligemske aberacije koje uzrokuju estetska i/ili funkc. oštećenja	-	-	-
87. Simptomi i znakovi:			
a) nevoljni pokreti: tikovi; jači tremor	-	-	-
b) ispadi senzibiliteta (osjet, okus, miris)	-	*	*
c) poremećaj govora i glasa	-	-	-
d) posljedice ozljeda, otrovanja i drugih djelovanja koje oštećuju funkciju	-	-	-
e) osobe s potencijalnom opasnošću za zdravlje prema anamnezi i faktorima koji utiču na zdravstveno stanje	-	-	-
f) nenormalni laboratorijski nalazi	-	-	-
XVI Kriteriji za psihološku obradu			
88. Opća intelektualna razvijenost mjerena koji obavezno eksploriра faktor logičkog rezonovanja, spacijalni, verbalni, perceptivni i numerički faktor; (kriterij: min.-1 SD)	-	-	-
89. Posebne sposobnosti (spec. poslovi) < 0 SD:			
a) test koji mjeri mehanički faktor (kriterij: minimalno prosječni rezultat)	x	*	*
b) test koji mjeri spacijalni faktor (kriterij: minimalno prosječni rezultat)	x	*	*
c) test koji mjeri perceptivni faktor (kriterij: minimalno prosječni rezultat)	x	*	*
d) test koji mjeri okulomotornu koordinaciju (kriterij: minimalno prosječni rezultat)	x	*	*
90. Struktura ličnosti (poremećaji koji su izvan kriterija normalne populacije, predstavljaju kontraindikaciju i služe kao indikator za psihijatrijsko ispitivanje i obradu)	-	-	-

PRILOG 2

(Naziv ustanove)

Redni broj: _____
Datum pregleda: _____

ZDRAVSTVENI KARTON ZA KANDIDATA I SLUŽBENIKA SUDSKE POLICIJE (zaokružiti kategoriju pregledanog)

_____, rođen/a _____, s prebivalištem/boravištem u _____
(ime, ime oca i prezime)

po zanimanju _____, Naziv osnovne organizacione jedinice: _____;

Naziv radnog mjesta: _____; Čin: _____; KATEGORIJA: A B C

VRSTA PREGLEDA (zaokružiti):

1. Provjera posebnih zdravstvenih sposobnosti za kandidate iz člana 92. stav (2) Zakona o Sudskoj policiji u Federaciji Bosne i Hercegovine;
2. Redovan sistematski kontrolni zdravstveni pregled;
3. Vanredni kontrolni zdravstveni pregled.

IZJAVA PREGLEDANOG:

Izjavljujem da nikada nisam bio liječen od nervnih i duševnih bolesti, da nisam imao napade padavice, pokušaje suicida, da nikada nisam izgubio svijest, da nisam imao potres mozga, povrede glave ili vrtoglavice, kao i da ne bolujem od šećerne bolesti, alkoholizma ili drugih ovisnosti. Izjavljujem da nikad nisam i ne uzimam opojne droge te sam saglasan da se izvrši test na iste. Saglasan sam da se po potrebi sva moja medicinska dokumentacija koja se nalazi kod izabranog ljekara primarne zdravstvene zaštite, drugih doktora medicine ili u drugim zdravstvenim ustanovama na traženje dostavi ovoj ustanovi.

potpis pregledane osobe

OSOBNA ANAMNEZA		OBITELJSKA ANAMNEZA	
- bolesti srca	ne / da	- duševne bol.	ne / da
- visoki tlak	ne / da	- šećerna bo	ne / da
bol. krv. žila	ne / da	- lomovi	ne / da
- bolesti pluća	ne da	- alkohol i dr. ovisn.	ne / da
		- šećerna bolest	ne / da
		- epilepsija	ne / da
		- bolesti srca	ne / da
		- alkohol i dr. ovisn.	ne / da
		- visoki tlak	ne / da
		- psihoze	ne / da
		- ostale duševne bolesti	ne / da

Izvod iz medicinske dokumentacije:

SADAŠNJE STANJE (STATUS PRAESENS)

Opći izgled _____ Visina _____ cm Težina _____ kg Puls _____ /min R R _____ mmHg

Glava i vrat _____ Prsni koš _____

Srce _____ Pluća _____

Kralješnica _____

Trbušni i genitalni organi _____ Ostalo _____

Udovi _____ Napomena _____

EKG _____

Spirometrija: _____

MIŠLJENJE: 1. sposoban kategorija A; 2. nesposoban kategorija A; 3. sposoban kategorija B i/ili C;
4. potrebno dalje liječenje kategorija B i/ili C; 5. postupak ocjene radne sposobnosti

potpis ljekara spec. med. rada

LABORATORIJSKI NALAZI:	br.evid.
SE _____ E _____ Hb _____ HTC _____ MCV _____ L _____ GUK _____ Urea _____	
Kreatinin _____ Bilirubin _____ AST _____ ALT _____ Holesterol _____ Trigliceridi _____	
URIN: _____	
MIŠLJENJE: 1. sposoban kategorija A; 2. nesposoban kategorija A; 3. sposoban kategorija B I/III C; 4. potrebno dalje liječenje kategorija B I/III C; 5. postupak ocjene radne sposobnosti	
_____ potpis voditelja laboratorija	
OFTALMOLOŠKI PREGLED	
VID (naturalni): desno oko _____ (s korekcijom): desno oko _____ OČNA POZADINA :desno oko _____ lijevo oko _____ lijevo oko _____ lijevo oko _____	
Miopija i miopski astigmatizam _____ Hipermetropija i hipermetrop. astigmatizam _____	
Raspoznavanje boja _____ Stereopsija i forija _____ Bulbomotorika _____	
Ambliopije _____ Zamućenje u proz. tijelima _____ Dg.: _____	
MIŠLJENJE: 1. sposoban kategorija A; 2. nesposoban kategorija A; 3. sposoban kategorija B I/III C; 4. potrebno dalje liječenje kategorija B I/III C; 5. postupak ocjene radne sposobnosti	
_____ potpis ljekara spec. oftalmologa	
NEUROLOŠKI PREGLED	
Trauma glave: - bez gubitka svijesti _____ - s gubitkom svijesti _____ EEG _____ Bolničko liječenje _____ Drugo _____	
Nesvjestice _____ Vrtoglavice _____ Padavica _____ Migrena _____ Alkohol _____	
Neurološki status: _____	
MIŠLJENJE: 1. sposoban kategorija A; 2. nesposoban kategorija A; 3. sposoban kategorija B I/III C; 4. potrebno dalje liječenje kategorija B I/III C; 5. postupak ocjene radne sposobnosti	
_____ potpis ljekara spec. neurologa/ spec. neuropsihijatra	
PSIHIJATRIJSKI PREGLED	
Anamneza: _____	
Psihijatrijsko liječenje: - ambulatno _____ - bolničko _____	
Psihijatrijski status: _____	
MIŠLJENJE: 1. sposoban kategorija A; 2. nesposoban kategorija A; 3. sposoban kategorija B I/III C; 4. potrebno dalje liječenje kategorija B I/III C; 5. postupak ocjene radne sposobnosti	
_____ potpis ljekara spec. psihijatra/ spec. neuropsihijatra	

PSIHOLOGIJSKO ISPITIVANJE		
1. Opća intelektualna razvijenost:		2. Posebne sposobnosti:
T1: ___ R: ___ z: ___	MMPI: _____	Meh.: ___ R: ___ z: ___
T2: ___ R: ___ z: ___	L ___ Hs ___ Pd ___ Sc ___	Spac.: ___ R: ___ z: ___
T3: ___ R: ___ z: ___	F ___ D ___ Pa ___ Ma ___	Perc.: ___ R: ___ z: ___
T4: _____	K ___ Hy ___ Pt ___	Oklm.: _____
3. Struktura ličnosti:		
Test ličnosti _____		
Projektivni _____		
Grafomotorika: _____		
Intervju: _____		
MIŠLJENJE: 1. sposoban kategorija A; 2. nesposoban kategorija A; 3. sposoban kategorija B i/ili C;		
4. potrebno dalje liječenje kategorija B i/ili C; 5. postupak ocjene radne sposobnosti		

potpis psihologa		

OTORINOLARINGOLOŠKI PREGLED		
Audiogram		Vestibulogram
Sluh: d. uho _____	l. uho _____	Ravnoteža: _____
		Nistagmus: _____
Dg.: _____		
MIŠLJENJE: 1. sposoban kategorija A; 2. nesposoban kategorija A; 3. sposoban kategorija B i/ili C;		
4. potrebno dalje liječenje kategorija B i/ili C; 5. postupak ocjene radne sposobnosti		

potpis ljekara spec. ORL		

STOMATOLOŠKI PREGLED																																		
status zuba:	<table style="width: 100%; border-collapse: collapse;"> <tr> <td style="text-align: center;">8</td><td style="text-align: center;">7</td><td style="text-align: center;">6</td><td style="text-align: center;">5</td><td style="text-align: center;">4</td><td style="text-align: center;">3</td><td style="text-align: center;">2</td><td style="text-align: center;">1</td><td style="text-align: center;">1</td><td style="text-align: center;">2</td><td style="text-align: center;">3</td><td style="text-align: center;">4</td><td style="text-align: center;">5</td><td style="text-align: center;">6</td><td style="text-align: center;">7</td><td style="text-align: center;">8</td> </tr> <tr> <td style="text-align: center;">8</td><td style="text-align: center;">7</td><td style="text-align: center;">6</td><td style="text-align: center;">5</td><td style="text-align: center;">4</td><td style="text-align: center;">3</td><td style="text-align: center;">2</td><td style="text-align: center;">1</td><td style="text-align: center;">1</td><td style="text-align: center;">2</td><td style="text-align: center;">3</td><td style="text-align: center;">4</td><td style="text-align: center;">5</td><td style="text-align: center;">6</td><td style="text-align: center;">7</td><td style="text-align: center;">8</td> </tr> </table>		8	7	6	5	4	3	2	1	1	2	3	4	5	6	7	8	8	7	6	5	4	3	2	1	1	2	3	4	5	6	7	8
8	7	6	5	4	3	2	1	1	2	3	4	5	6	7	8																			
8	7	6	5	4	3	2	1	1	2	3	4	5	6	7	8																			
MIŠLJENJE: 1. sposoban kategorija A; 2. nesposoban kategorija A; 3. sposoban kategorija B i/ili C;																																		
4. potrebno dalje liječenje kategorija B i/ili C; 5. postupak ocjene radne sposobnosti																																		

potpis doktora stomatologa																																		

OSTALI NALAZI:

ZAKLJUČAK ZDRAVSTVENE KOMISIJE (zaokružiti):	
Za službenike Sudske policije 1. sposoban kategorija B i/ili C; 2. potrebno dalje liječenje kategorija B i/ili C; 3. postupak ocjene radne sposobnosti	Za kandidate iz člana 92. stav (2) Zakona o Sudskoj policiji u Federaciji Bosne i Hercegovine (kategorija A) 1. sposoban za obavljanje poslova službenika Sudske policije; 2. nesposoban za obavljanje poslova službenika Sudske policije;
Članovi komisije:	
1. _____	
2. _____	
3. _____	
Tehnički sekretar _____	

PRILOG 3

POTVRDA IZABRANOG LIJEČNIKA

Potvrđujem da _____ rođen/a _____,
(ime, ime oca i prezime)

s prebivalištem/boravištem u _____, po zanimanju

_____.

1. NE BOLUJE / BOLUJE OD HRONIČNIH I PSIHIČKIH BOLESTI
(zaokružiti odgovarajuće)

2. IMA POTVRĐENE SLJEDEĆE HRONIČNE I PSIHIČKE BOLESTI:

3. UZIMA POVREMENO ILI STALNO SLJEDEĆE LIJEKOVE:

PUNA ADRESA MEDICINSKE USTANOVE I TELEFON:

(Mjesto i datum sačinjavanja dokumenta)

(pečat i potpis doktora medicine)

PRILOG 4

(Naziv ustanove)
Redni broj: _____
Datum pregleda: _____

IZVJEŠTAJ PRVOSTEPENE KOMISIJE O POSEBNOJ ZDRAVSTVENOJ SPOSOBNOSTI ZA KANDIDATA ILI SLUŽBENIKA SUDSKE POLICIJE (zaokružiti kategoriju pregledanog)

_____, rođen/a _____ godine, s prebivalištem u _____
(ime, ime oca i prezime),
po zanimanju _____ Naziv osnovne organizacione jedinice: _____ Naziv radnog
mjesta: _____; Čin: _____, KATEGORIJA: A B C

VRSTA PREGLEDA (zaokružiti):

1. Provjera posebnih zdravstvenih sposobnosti koja se obavlja za kandidate iz člana 92. stav (2) Zakona o Sudskoj policiji u Federaciji Bosne i Hercegovine.
2. Redovan sistematski kontrolni zdravstveni pregled;
3. Vanredni kontrolni zdravstveni pregled.

DIJAGNOZA (šifrom MKB)	KRITERIJ IZ PRAVILNIKA

OCJENA (zaokružiti):	
Za službenike Sudske policije 1. sposoban kategorija B i/ili C; 2. potrebno dalje liječenje kategorija B i/ili C; 3. postupak ocjene radne sposobnosti	Za kandidate iz člana 92. Stav (2) Zakona o Sudskoj policiji u Federaciji Bosne i Hercegovine (kategorija A) 1. sposoban za obavljanje poslova službenika Sudske policije; 2. nesposoban za obavljanje poslova službenika Sudske policije;

NAPOMENA:

POUKA O PRAVNOM LIJEKU: Direktor ili pregledana osoba imaju pravo žalbe na ocjenu o posebnoj zdravstvenoj sposobnosti. Žalba se podnosi Drugostepenoj komisiji u roku od tri dana od dana prijema ovog izvještaja.

Mjesto i datum: _____

Dostaviti:

1. Pregledanoj osobi;
2. Kabinet direktora;
3. Personalni dosije;
4. a/a

ČLANOVI PRVOSTEPENE KOMISIJE

1. _____

2. _____

M.P. 3. _____

Tehnički sekretar _____

PRILOG 5

_____ (Naziv ustanove)
 Redni broj: _____
 Datum pregleda: _____

IZVJEŠTAJ DRUGOSTEPENE KOMISIJE O POSEBNOJ ZDRAVSTVENOJ SPOSOBNOSTI ZA KANDIDATA ILI SLUŽBENIKA SUDSKE POLICIJE (zaokružiti kategoriju pregledanog)

_____, rođen/a _____ godine, s prebivalištem u _____
 (ime, ime oca i prezime),
 po zanimanju _____ Naziv osnovne organizacione jedinice: _____ Naziv radnog
 mjesta: _____; Čin: _____, KATEGORIJA: A B C

VRSTA PREGLEDA (zaokružiti):

1. Provjera posebnih zdravstvenih sposobnosti koja se obavlja za kandidate iz člana 92. stav (2) Zakona o Sudskoj policiji u Federaciji Bosne i Hercegovine.
2. Redovan sistematski kontrolni zdravstveni pregled;
3. Vanredni kontrolni zdravstveni pregled.

DIJAGNOZA (šifrom MKB)	KRITERIJ IZ PRAVILNIKA

OCJENA (zaokružiti):	
Za službenike Sudske policije 1. sposoban kategorija B i/ili C; 2. potrebno dalje liječenje kategorija B i/ili C; 3. postupak ocjene radne sposobnosti	Za kandidate iz člana 92. stav (2) Zakona o Sudskoj policiji u Federaciji Bosne i Hercegovine (kategorija A) 1. sposoban za obavljanje poslova službenika Sudske policije; 2. nesposoban za obavljanje poslova službenika Sudske policije

NAPOMENA:

Mjesto i datum: _____

Dostaviti:

1. Pregledanoj osobi;
2. Kabinet direktora;
3. Prvostepena komisija;
4. Personalni dosije;
5. a/a

ČLANOVI DRUGOSTEPENE KOMISIJE

1. _____

2. _____

M.P. 3. _____

Tehnički sekretar _____